

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 11. stav 2. Zakona o koncesijama (Prečišćeni tekst) („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 87. sjednici, održanoj 10.02.2017. godine, d o n o s i

## **ODLUKU**

**o dodjeli koncesije za istraživanje i eksploataciju mineralne sirovine – kvarcnog pijeska na lokalitetu “Nezirov Gaj” K.O. Gornja Breza i K.O. Podvinci, na području općina Breza i Visoko**

### **Član 1.**

#### **(Predmet koncesije)**

Privrednom društvu „SANEX“ d.o.o. Breza (u daljem tekstu: Koncesionar) dodjeljuje se koncesija za istraživanje i eksploataciju mineralne sirovine – kvarcnog pijeska na ležištu “Nezirov Gaj” K.O. Gornja Breza i K.O. Podvinci, na području općina Breza i Visoko.

### **Član 2.**

#### **(Lokacija)**

(1) Prošireni istražno-eksploatacioni prostor ležišta “Nezirov Gaj” K.O. Gornja Breza i K.O. Podvinci, na području općina Breza i Visoko, ograničen je graničnim linijama sa prijelomnim tačkama, kako slijedi:

|         |                 |                 |
|---------|-----------------|-----------------|
| Tačka E | Y= 6 519 380,00 | X= 4 877 790,00 |
| Tačka F | Y= 6 519 330,00 | X= 4 877 697,00 |
| Tačka G | Y= 6 519 413,00 | X= 4 877 722,00 |
| Tačka H | Y= 6 519 473,00 | X= 4 877 641,00 |
| Tačka I | Y= 6 519 440,00 | X= 4 877 610,00 |
| Tačka L | Y= 6 519 489,00 | X= 4 877 606,00 |
| Tačka M | Y= 6 519 369,00 | X= 4 877 539,00 |
| Tačka N | Y= 6 519 296,00 | X= 4 877 565,00 |
| Tačka O | Y= 6 519 231,00 | X= 4 877 660,00 |
| Tačka P | Y= 6 519 284,00 | X= 4 877 682,00 |
| Tačka R | Y= 6 519 322,00 | X= 4 877 743,00 |
| Tačka E | Y= 6 519 380,00 | X= 4 877 790,00 |

(2) Prošireni istražno-eksploatacionog prostora na kojem će se realizirati koncesioni projekat iz člana 1. ove Odluke je 30.000 m<sup>2</sup>, definisan je koordinatama prijelomnih tačaka od E do R, a lociran je na dijelovima parcela k.č. 931 K.O. Podvinci, površine 16.849 m<sup>2</sup> i k.č. 1232 K.O. Gornja Breza, površine 13.151 m<sup>2</sup>, te ima neposredni kontakt sa istražno – eksploatacijskim poljem za koje je već dodjeljena koncesija koncesionaru “Sanex” d.o.o. Breza.

### **Član 3.**

#### **(Ugovor)**

Zadužuje se Ministarstvo za privredu da, u skladu sa ovom Odlukom i odredbama Zakona o koncesijama, potpiše Aneks I na Koncesioni ugovor br. KC 20/2007., broj: 04-18-2279-21/06 od 23.04.2007. godine, za istraživanje i eksploataciju mineralne sirovine – kvarcnog pijeska na ležištu “Nezirov Gaj” K.O. Gornja Breza i K.O. Podvinci, na području općina Breza i Visoko, iz člana 2. ove Odluke, u roku od 60 dana od dana stupanja na snagu ove odluke.

#### **Član 4.** **(Elementi Ugovora)**

(1) Osnovni elementi Aneksa I Koncesionog ugovora su:

- a) Vrijeme koncesije za istraživanje i eksploataciju je 11 godina, od čega do 2 godine za istraživanje, a zavisit će od utvrđenih rezervi mineralne sirovine;
- b) Kontinuirana koncesiona naknada je 0,50 KM/m<sup>3</sup> r.m. kvarcnog pijeska (slovima: 50/100 konvertibilnih maraka po metru kubnom rastresite mase);
- c) Jednokratna koncesiona naknada je: 3,00 ha x 10.000,00 KM/ha = 30.000,00 KM (slovima: tridesethiljada konvertibilnih maraka);
- d) Minimalna količina eksploatacije mineralne sirovine kvarcnog pijeska, za koju je koncesionar obavezan plaćati kontinuiranu koncesionu naknadu je 25.000,00 m<sup>3</sup> r.m./godini kvarcnog pijeska, (slovima: dvadesetpetiljada metara kubnih rastresite mase po godini kvarcnog pijeska).

(2) Koncesionar je dužan prije potpisivanja Aneksa I Koncesionog ugovora obezbijediti:

- a) Uplatnicu na 30.000,00 KM, kao jednokratnu koncesionu naknadu;
- b) Ovjerenu mjenicu sa mjeničnom izjavom na iznos od 25.000,00 KM;
- c) Snimak „Nultog stanja“ ležišta prije početka istražno-eksploatacionih radova sa fotografisanjem postojećih objekata u blizini ležišta;
- d) Geodetski elaborat sa identifikacijom parcela (Katastarski plan sa unesenim koordinatama istražno-eksploatacijskog polja i parcelama sa vlasničkim i posjedovnim listovima).

(3) Koncesionar je dužan nakon potpisivanja Aneksa I Koncesionog ugovora, a prije dobivanja dozvole za eksploataciju izvršiti upis prava iz Aneksa I Koncesionog ugovora u zemljišne knjige.

#### **Član 5.** **(Istraživanje i eksploatacija)**

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih sirovina, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom kvarcnog pijeska u roku do dvije godine, računajući od dana donošenja ove Odluke, smatrat će se da je odustao od realizacije projekta.

#### **Član 6.** **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-\_\_\_\_\_ /17.

Datum, 10.02.2017. godine

Z e n i c a

**PREMIJER**

*Miralem Galijašević*

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju  
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x „SANEX“ d.o.o. Breza (putem Ministarstva za privredu),

1x a/a.